



第五

孔今羌愁言宜儀可義幾祈

豈幾蓋厥及其音記其忌已

其音期居音詎巨巨遠渠音遽距

固顧故顧苟皋

第六

乃迺甯能徒獨柰那都當

儻黨尚當始誕迪直疇曷

經傳釋詞  
五六

12  
3513  
3

337  
5





冊五  
號十  
函八十

門口12  
號8513  
卷38

經傳釋詞卷五



今本... 清之高郵... 王引之... 東條... 詰點...

爾雅曰孔甚也書禹貢九江孔殷史記夏本紀作甚中

孫炎注爾雅釋詁曰即猶今也故今亦可訓為即書召誥曰其

不能誠于小民今休又曰丕厥有成命治民今休皆謂即致太

平之美也某氏傳釋上今休為成今之美下今呂氏春秋驕恣

篇曰齊宣王為大室三年而未能成春居諫王王曰寡人請今

止之秦策曰臣今見王獨立於廟朝矣趙策曰君因言王而重





菁即菁字  
趙人名趙  
策作菁今  
作令

五當作伍

責之菁之軸。今折矣。魏策曰：樓公將入矣。臣今從。韓策曰：十日之內，數萬之衆，今涉魏境。燕策曰：天下必以王為能市馬。馬今至矣。史記項羽紀曰：吾屬今為之虜矣。鄭世家曰：晉兵今至矣。五子胥傳曰：不來，今殺奢也。今字並與卽同義。今指事之詞也。考工記輶人曰：今夫大車之轅，摯墨子兼愛篇曰：今若夫攻城野戰，殺身而為名。禮記二年問曰：今是大鳥獸。晉語：今君之所聞也。猶言是君之所聞也。宣十五年公羊傳：是何子之情也。韓詩外傳：是作今，皆指事之詞。

家大人曰：今猶若也。禮記曾子問曰：下塲土周，葬于園，遂與機而往。塗邇故也。今墓遠，則其葬也如之何。今墓遠若墓遠也。管子法法篇曰：君不私國，臣不誣能。正民之經也。今以誣能之臣。

事私國之君，而能濟功名者，古今無之。今以若以也。

羌

廣雅曰：羌，乃也。楚辭離騷曰：衆皆競進以貪婪兮，憑不馱乎求索。羌內恕己以量人兮，各興心而嫉妬。是也。字或作慶。漢書楊雄傳：懿神龍之淵潛兮，慶埃雲而將舉。今本作作埃慶雲，乃後人所改，辨見讀書雜誌。張晏曰：慶，辭也。今本在下文慶天傾而喪，榮句下，亦後人所移。蕭該音義曰：慶音羌。王注離騷曰：羌，楚人語辭也。猶言卿何為也。義亦相近。

愁

愁且也。哀十六年左傳：閔天不弔，不愁。遺一老俾屏予一人。以在位。杜注曰：愁且也。王肅注家語終記篇同。應劭注漢書五行志曰：愁且辭也。言閔天不善於魯，不且遺一老使屏蔽我一人也。昭二十



八年傳。祁盈之臣曰。鈞將皆死。愁使吾君聞勝與臧之死也。以爲快。愁亦且也。言鈞之將死。且使吾君聞勝臧之死而快意也。杜以愁爲發語之音。於文義未協。

言

言云也。語詞也。語言之言。謂之云。語詞之云。見云亦謂之云。若

詩葛覃之言。告師氏。言告言歸。芣苢之薄言采之。薄言皆語詞。後此稱薄言

者。放此。漢廣之言。刈其楚。草蟲之言。采其蔎。後凡稱言米者。放此。柏舟之靜

言思之。終風之寤言不寐。願言則嚏。簡兮之公言錫爵。泉水之

還車言邁。駕言出遊。後凡稱駕言者。放此。二子乘舟之願言思子。定之方

中之星言夙駕。載馳之言。至于漕。氓之言。既遂矣。伯兮之言。樹

之背。女曰鷄鳴之戈言加之。小戎之言。念君子。七月之言。私其

縱。彤弓之受言藏之。庭燎之言。觀其旂。後凡稱言觀者。放此。黃鳥之言。旋

言歸。我行其野之言。就爾居。言歸斯復。大東之睠言顧之。荀子有坐

篇引。作春馬。後漢書劉陶傳。作睠然。焉與。然皆語詞。則言亦語詞。小明之興言出宿。楚茨之言。

抽其棘。備言燕私。都人士之言。從之邁。采芣之言。報其弓。瓠葉

之酌言嘗之。文王之永言配命。後凡稱永言者。放此。抑之言。緝之絲。言示

之事。桑柔之瞻言百里。有容之言。授之縶。有駉之醉言舞。及左

傳僖九年之既盟之後。言歸于好。易繫辭傳之德言盛。禮言恭。

謂君子勞謙德盛。禮恭也。言語詞。皆與語詞之云同義。而毛鄭釋詩。悉用爾雅。

言我也之訓。或解爲言語之言。揆之文義。多所未安。則施之不

不得其當也。

亦不之不亦誤



家大人曰。宜猶始也。成二年左傳曰。宜將竊妻以逃者也。六年傳曰。不安其位。宜不能久。孟子公孫丑篇曰。宜與夫禮若不相似然。滕文公篇曰。不見諸侯。宜若小然。又曰。枉尺而直尋。宜若可為也。離婁篇曰。宜若無罪焉。盡心篇曰。宜若登天然。齊策曰。救趙之務。宜若奉漏甕沃焦釜。宜字竝與始同義。

宜助語詞也。詩螽斯曰。螽斯羽。洗洗兮。宜爾子孫。振振兮。宜爾子孫。爾子孫也。言螽斯羽。則洗洗然矣。爾子孫。則振振然矣。故序曰。言若螽斯。不如忌。則子孫衆多也。箋云。宜女之子孫。使其小

宛曰。哀我填寡。宜岸宜獄。宜岸岸也。宜獄獄也。言我窮盡寡財之人。乃有此訟獄之事也。箋云。仍得曰宜。正義云。在上謂之宜。有此訟。宜有此獄。皆失之。字通作儀。詩烝民曰。人亦有言。德輶如毛。民鮮克舉之。我儀圖之。維

仲山甫舉之。儀助語詞。儀圖之。圖之也。傳訓儀為宜。箋及表記注。訓儀為匹。文義皆未

安又通作義。書大誥曰。義爾邦君。越爾多士。尹氏御事。綏予曰。無怙于恤。不可不成。乃甯考圖功。義助語詞。言爾邦君及爾多士。尹氏御事。當安勉我也。猶上文言爾庶邦君。越庶士御事矣。

漢書翟方進傳。作子義。彼國君。義上加子字。則已不知其為語助。某氏傳。解為施義。於汝眾國君臣上下。至御治事者。而文益贅設。經言義。不言施義也。

可猶所也。禮記中庸。體物而不可遺。鄭注曰。體猶生也。易乾文言君子

體仁足以長入。鄭注。體生也。見文選。陸機贈顧交趾公真詩注。可猶所也。不有所遺。言萬物無不以鬼神之氣生也。家大人曰。不無也。說見不字下。萬物皆生於鬼



神是鬼神生物而無所遺也。又曰：大戴禮武王踐阼篇：席前右端之銘曰：無行可悔，可所也。前有所悔，後不復行，故曰無行所悔。說苑敬慎篇：作無行所悔，是其證也。又曰：賈子論誠篇：人謂豫讓曰：子不歿中行，而反事其讎，何無可恥之甚也。言無所恥之甚也。史記萬石君傳：衛綰自初官以至丞相，終無可言。言始終一無所言也。後漢書竇憲傳：燕然山銘：茲所謂一勞而久逸，暫費而永甯者也。文選所作可，可與所同義，故可得訓為所。所亦得訓為可，互見所字下。

幾

幾詞也。易屯六三：君子幾不如舍。王注：幾辭也。正義曰：幾為語辭，不為義也。釋文：幾，徐音祈。周語曰：其無乃廢先王之訓，而王幾頓乎。

幾詞也。頓，猶廢也。言荒服者王先王之訓也。今夫戎氏以其職來王，而天子以不享征之，是廢先王之訓，而荒服來王之禮將從此廢矣。故下文遂云：自是荒服者不至也。韋注：訓幾為危，頓為敗，則是以王為穆王矣。下文穆王得狼鹿以歸，未嘗危敗也。韋說失之。莊子徐無鬼篇曰：君雖為仁義，幾且偽哉。又曰：非我與吾子之罪，幾天與之也。列子仲尼篇曰：吾見子之心矣。方寸之地虛矣。幾聖人也。荀子賦篇曰：聖人共手，時幾將矣。楊倞注：幾辭也。幾其也。易小畜上九曰：月幾望。集解引虞注曰：幾其也。今本其作近，蓋後人所改。案虞注曰：坎月離日，兌西震東，日月象對，故月幾望是虞謂月與日相望，非但近於望而已。歸妹六五：月幾望，虞彼注曰：幾其也。坎月離日，兌西震東，日月象對，故日幾望與小畜中孚月幾望同義，則小畜中孚幾望之幾亦訓為其可知。小畜釋文：幾，徐音祈，正與君子幾不知舍之幾同音，蓋亦以為語詞。

祈

祈猶是也。禮記緇衣引君雅曰：資冬祈寒。鄭注曰：祈之言是也。



齊西偏之語也。

豈 幾

豈詞之安也。焉也。曾也。見廣韻常語也。字或作幾。莊子人間世篇

曰。不為社者。且幾有翦乎。家大人曰。幾讀為豈。言雖不為社。亦豈有翦伐之害乎。郭象訓幾為近。失

之。荀子榮辱篇曰。是其為相縣也。幾直夫芻豢稻粱之縣糟糠

爾哉。楊倞注。幾讀為豈。下同。又曰。幾不甚善矣哉。大略篇曰。利夫秋豪害

靡國家。然且為之。幾為知計哉。韓子姦劫弑臣篇曰。處非道之

位。被眾口之譖。溺於當世之言。而欲當嚴天子而求安。幾不亦

難哉。

豈猶其也。禮記曾子問曰。答者史佚有子而歿。下殤也。墓遠。召

公謂之曰。何以不棺斂於宮中。史佚曰。吾敢乎哉。召公言於周

公。周公曰。豈不可。家大人曰。豈不可。其不可也。故鄭注曰。言是豈於禮不可。不許也。釋文正義皆以豈為一

句。不可為。吳語曰。大王豈辱裁之。孟子滕文公篇曰。墨之治喪

也。以薄為其道也。夷子思以易天下。豈以為非是而不貴也。家大人曰。豈以為其以為也。也與邪同。夷子以薄葬之道為貴。非其道則不貴之矣。故曰。非是而不貴。是字正指薄葬而言。言夷子思以薄葬之道易天下。其以為非此則不貴邪。然則厚葬者。夷子之所不貴。而夷子乃厚葬其親。則是以所不貴者事親也。故下文曰。然而夷子葬其親。厚則是以所賤事親也。趙注。日夷子豈肯以薄為非是而不貴之也。於語意未合。莊子外

物篇曰。君豈有斗升之水。而活我哉。秦策曰。子常宣言代我相

秦。豈有此乎。齊策曰。君豈受楚象牀哉。燕策曰。將軍豈有意乎。

史記范雎傳曰。孺子豈有客習於相君者哉。魏公子傳曰。我豈

有所失哉。李斯傳曰。丞相豈少我哉。豈固我哉。字或作幾。莊子

徐無鬼篇曰。非我與吾子之罪。幾天與之也。史記黥布傳曰。人



相我當刑而王。幾是乎。徐廣曰：幾一作豈。

蓋

蓋者。大略之詞。孝經。蓋天子之孝也。孔傳曰。蓋者。辜較之辭也。較猶大略也。常語也。

蓋疑詞也。亦常語也。禮記檀弓。有子蓋既祥。而絲屨組纓。正義曰。蓋是疑辭。

蓋語助也。漢書禮樂志。郊祀歌。神夕奄虞。蓋孔享。顏師古注曰。蓋語辭也。

厥

爾雅曰。厥其也。常語。

厥猶之也。書無逸曰。自時厥後立王。生則逸。生則逸。又曰。自時

厥後亦罔或克壽。皆謂自是之後也。又曰。此厥不聽。人乃訓之。又曰。此厥不聽。人乃或譎張為幻。皆謂此之不聽也。厥語助也。書多士曰。誕淫厥泆。言誕淫泆也。立政曰。文王惟克厥宅心。乃克立茲。常事司牧。人言。文王惟克宅心也。

及

爾雅曰。及與也。常語。

家大人曰。及猶若也。禮樂記曰。樂極則憂。禮粗則偏矣。及夫敦樂而無憂。禮備而不偏者。其唯大聖乎。及夫若夫也。又曰。及夫禮樂之極乎天。而蟠乎地。行乎陰陽。而通乎鬼神。上文曰。若夫金石。越於聲音。用於宗廟社稷。事乎山川鬼神。祭法曰。及夫日月星辰。民所瞻仰也。山林川谷邱陵。民所取財用也。中庸曰。今夫天斯昭昭之多。及其



無窮也。日月星辰繫焉。萬物覆焉。及其若其也。言自其一言之則唯此昭昭

之多若自其無窮言之則日月星辰萬物皆在其中下文及其廣厚及其廣大及其不測並同此意非謂天地山川之大由於積累也管子大匡篇曰。臣聞齊君惕而亟驕。雖得賢庸必能用之

乎。及齊君之能用之也。管子之事濟也。言若齊君能用之。則管子之事必濟也。

尹知章注及猶就也非是老子曰。吾所以有大患者。為吾有

身。及吾無身。吾有何患。言若吾無身也。又曰。取天下常以無事。

及其有事。不足以取天下。言若其有事也。及與若同義。故及可

訓為若。若亦可訓為及。互見若字下。

其

其指事之詞也。常語也。

其狀事之詞也。有先言事而後言其狀者。若擊鼓其鏜。雨雪其

雩。零雨其濛之屬。是也。有先言其狀而後言其事者。若灼灼其

華。殷其雷。淒其以風之屬。是也。

其擬議之詞也。易困彖傳曰。困而不失其所亨。其唯君子乎。乾

文言曰。其唯聖人乎。聘禮曰。君其以賜乎。隱十一年左傳曰。天

其以禮悔禍于許。

其猶始也。易復彖傳曰。復其見天地之心乎。繫辭傳曰。知變化

之道者。其知神之所為乎。又曰。易之興也。其於中古乎。作易者。

其有憂患乎。書金縢曰。公曰體。王其罔害。禮記檀弓曰。吾今日

其庶幾乎。又曰。將軍文氏之子。其庶幾乎。隱六年左傳。其陳桓

公之謂乎。周語曰。王室其將卑乎。其與始同意。故又以其始連

文。繫辭傳曰。顏氏之子。其始庶幾乎。是也。



其猶將也。易否九五曰：其亡其亡，書臯陶謨曰：無曠庶官。天工人其代之。湯誓曰：予其大賚女。盤庚曰：天其永我命于茲新邑。微子曰：今殷其淪喪，牧誓曰：稱爾戈，比爾干，立爾矛，予其誓。金縢曰：惟朕小子，其新逆。康誥曰：爽惟天，其罰殛我。酒誥曰：盡執拘以歸于周，予其殺。召誥曰：今天其命哲，命吉凶，命歷年。洛誥曰：茲予其明農哉。詩蟋蟀曰：今我不樂，日月其除。七月曰：其始播百穀。隱十一年左傳曰：吾子孫其覆亾之不暇，而況能禋祀許乎。僖七年曰：鄭將覆亾之不暇。周語曰：其與能幾何。論語為政曰：其何以行之哉。其猶尚也。庶幾也。書臯陶謨曰：帝其念哉。盤庚曰：其克從先王之烈。金縢曰：我其為王穆卜。康誥曰：其尚顯聞于天。其亦尚也。古人自有

復語酒誥曰：其藝黍稷，奔走事厥考厥長。召誥曰：上下勤恤，其曰：我受天命，丕若有夏歷年。式勿替有殷歷年。洛誥曰：女其敬識百辟享，無逸曰：嗣王其監于茲。君奭曰：君肆其監于茲，立政曰：我其克灼，知厥若。文侯之命曰：惟祖惟父，其伊恤朕躬。詩伯兮曰：其雨其雨，杲杲出日。其猶庶幾也。隱三年左傳曰：吾子其無廢先君之功。周語曰：王其祗祓，監農不易。其猶若也。詩小閔曰：謀之其臧，則具是違。謀之不臧，則具是依。禮記文王世子曰：公族其有死罪，則磬于甸人。其刑罪則纖剝。亦告于甸人。僖九年左傳曰：其濟君之靈也。不濟則以死繼之。襄二十三年傳：申豐對季武子曰：其然將具敝車而行。三十一年傳曰：其輸之，則君之府實也。非薦陳之，不敢輸也。其暴露之。



則恐燥溼之不時而朽蠹以重敝邑之罪。

其猶乃也。書堯典曰。浩浩滔天。下民其咨。臯陶謨曰。撫于五辰。

庶績其凝。又曰。以昭受上帝。天其申命用休。禹貢曰。嶠夷既略。

維淄其道。又曰。淮沂其乂。蒙羽其藝。湯誓曰。今女其曰夏罪其

如台。言今女乃曰夏罪其如何高宗彤日乃日其盤庚曰。越

其罔有黍稷。越其猶云洪範曰。使羞其行而邦其昌。言使羞其

昌又曰。女雖錫之福。其作女用咎。又曰。臣之有作福作威玉食。

其害于而家。凶于而國。又曰。是之謂大同。身其康彊。子孫其逢

命。爾不許我。我乃屏壁與珪。其亦康誥曰。時乃大明服。惟民其

勅懋和。若有疾。惟民其畢棄咎。若保赤子。惟民其康乂。又曰。我

逢字絕句下吉字別金縢曰。爾之許我。我其以璧與珪。歸俟爾

時其惟殷先哲王。德用康乂民。多士曰。予惟時其遷居西爾。洛

誥曰。凡民惟曰不享。惟事其爽侮。又曰。公勿替刑。四方其世享。

君奭曰。在咎上帝。割申勸甯王之德。其集大命于厥躬。多方曰。

我惟時其教告之。我惟時其戰要囚之。詩蝮蝻曰。朝濟于西。崇

朝其雨。氓曰。桑之落矣。其黃而隕。蟋蟀曰。蟋蟀在堂。歲聿其莫。

聿惟也其七月曰。八月其穫。又曰。二之日其同。載纘武功。又曰。

四之日其蚤。獻羔祭韭。沔水曰。我友敬矣。讒言其興。我友敬矣

與故毛傳曰疾卷伯曰。豈不爾受。既其女遷。大東曰。杼柚其空。

賓之初筵曰。錫爾純嘏。子孫其湛。維清曰。假以溢我。我其收之。

烈文曰。無封靡于爾邦。維王其崇之。念茲戎功。繼序其皇之。無

競維人。四方其順之。不顯維德。百辟其刑之。禮記月令曰。五者



備當。上帝其饗。桓六年左傳曰。楚之羸。其誘我也。莊二十二年傳曰。五世其昌。竝于正卿。僖五年傳曰。火中成軍。虢公其奔。宣二年傳曰。非馬也。其人也。周語曰。自今至于初吉。陽氣俱蒸。土膏其動。弗震弗渝。脈其滿膏。穀乃不殖。又曰。營室之中。土功其始。晉語曰。喪田不懲。禍亂其興。論語為政篇曰。是亦為政。奚其為為政。其與乃同意。故又以其連文。康誥曰。乃其又民。又曰。乃其速。由文王作罰。又曰。女乃其速。由茲義率殺。君奭曰。乃其墜命。多方曰。我乃其大罰。極之。晉語曰。彼得政而行其欲。得其所索。乃其釋君。此猶曷何同意。而召誥言曷其柰何弗敬。克堪同意。而多方言克堪用德。維伊同意。而詩頌弁言實維伊何也。其猶之也。書盤庚曰。不其或稽。自怒曷瘳。康誥曰。朕其弟小子

封。詩魚麗曰。物其多矣。維其嘉矣。上其猶之也。下其則指物之詞。大戴禮保傅

曰。凡是其屬。太師之任也。桓六年左傳曰。諸侯之大夫。戍齊。齊人饋之餼。使魯為其班。成十五年公羊傳曰。為人後者。為之子。又曰。為人後者。為其子。賈子大政篇曰。故欲以刑罰慈民。辟其猶以鞭狎狗也。雖久弗親矣。欲以簡泄得士。辟其猶以弧怵鳥也。雖久弗得矣。其與之同義。故其可訓為之。之亦可訓為其。互見之字下。

其猶甯也。易繫辭傳曰。妻其可得見。邪。書盤庚曰。若火之燎于原。不可鄉邇。其猶可撲滅。大誥曰。厥考翼其肯曰。予有後。弗棄基。酒誥曰。我其可不大監撫于時。多士曰。我其敢求位。僖五年左傳曰。一之謂甚。其可再乎。十年傳曰。欲加之罪。其無辭乎。



其更端之詞也。易无妄彖辭曰：无妄元亨利貞。其匪正有眚，書無逸曰：其在高宗。其在祖甲。其語助也。易小畜初九曰：復自道。何其咎。書大誥曰：子曷其不于前甯人圖功。攸終。康誥曰：未其有若女封之心。召誥曰：不其延。洛誥曰：敘弗其絕。呂刑曰：其今爾何懲。上文曰：今爾何懲。爾何監。棗誓曰：馬牛其風。詩君子于役曰：曷其有怙。上文曰：曷其有怙。曷至哉。鴉羽曰：曷其有所揚之水曰：云何其憂。正月曰：終其永懷。終猶既也。說見終字下。苑柳曰：于何其臻。僖十五:left傳曰：以德為怨。秦不其然。晉語曰：多而驟立。不其集。其字皆為語助。無意義也。

其諸亦擬議之詞也。桓六年公羊傳：其諸以病桓。與何注曰：其諸辭也。論語學而篇曰：其諸異乎人之求之與。

其音記 記 忌 已 迓

其語助也。或作記。或作忌。或作已。或作迓。義並同也。詩楊之水曰：彼其之子。箋曰：其或作記。或作已。讀聲相似。又羔裘：彼其之子。襄二十七年左傳：及晏子雜篇。並作已。俟人。彼其之子。表記作記。釋文：唐石經及各本。並同。監本改作其非。僖二十四年左傳：及晉語。並作已。文十四年左傳：齊公子元不順懿公之為政也。終不曰公。曰夫已氏。杜解補正曰：夫已氏猶言彼已之子。夫猶彼也。說見夫字下。注疏讀已為甲已之已。是非詩大叔于田曰：叔善射忌。傳曰：忌辭也。箋曰：忌讀如彼已之子之已。崧高曰：往近王舅。箋曰：近辭也。聲如彼記之子之記。毛居正六經正誤：以近為迓之譌。說文：迓讀與記同。

其音姬 期 居



其問詞之助也。或作期。或作居。義並同也。書微子曰：子顛齊若之何其。鄭注曰：其語助也。齊魯之間。聲如姬。見史記宋世家集解詩園有桃曰：彼人是哉。子曰何其。傳曰：夫人謂我欲何為乎。庭燎曰：夜如何其。頊弁曰：實維何期。箋曰：期辭也。釋文：本亦作其。禮記檀弓曰：何居。我未之前聞也。鄭注曰：居讀如姬姓之姬。齊魯之間。語助也。又曰：吾許其大而不許其細。何居。郊特牲曰：二日伐鼓。何居。成二年左傳曰：誰居。後之人必有任是夫。襄二十三年傳曰：誰居。其孟椒乎。杜注：居猶與也。莊子齊物論篇曰：何居乎。案：居猶乎也。居下不當復有乎字。疑因下文而行。釋文出何居二字。無乎字。形固可使如槁木。而心固可使如死灰乎。

居

居詞也。易繫辭傳曰：噫。亦要存亾吉凶。則居可知矣。鄭王注。並

曰：居辭也。詩柏舟曰：日居月諸。正義曰：居諸者。語助也。故日月傳曰：日乎月乎。不言居諸也。十月之交曰：擇有車馬。以居徂向。居語助。言擇有車馬。以徂向也。箋曰：擇民之富有車馬者。以往居。于向。先言往。而後言居。未免倒置。生民曰：其香始升。上帝居歆。居亦語助。上帝居歆。上帝歆也。箋曰：上帝則安而歆。響之於義。未安。禮記郊特牲曰：以鍾次之。以和居參之也。居亦語助。居參之。參之也。鄭注：以金參居庭實之。間亦未安。

詎巨遽 距巨 鉅巨 渠巨 遽

廣韻曰：詎。豈也。字或作距。或作鉅。或作巨。或作渠。或作遽。漢書高祖紀曰：沛公不先破關中。公巨能入乎。史記項羽紀：作公豈敢入乎。孫寶傳曰：掾部渠有其人乎。顏注：渠讀曰詎。詎豈也。詎與豈同義。故或以豈詎連文。吳語曰：此志也。豈遽忘於諸侯之耳乎。呂氏



春秋具備篇曰。豈遽必哉。荀子王制篇曰。豈渠得免夫累乎。正論篇曰。是豈鉅知見侮之為不辱哉。墨子公孟篇曰。雖子不得福。吾言何遽不善。而鬼神何遽不明。淮南人閒篇曰。此何遽不能為福乎。史記鄭世家曰。往何遽必辱。陸賈傳曰。使我居中國。何渠不若漢。漢書作何遽。家大人曰。遽亦何也。連言何遽者。莊子齊物論篇曰。庸詎知吾所謂知之非不知邪。庸詎知吾所謂不知之非知邪。徐邈本。詎作巨。家大人曰。庸詎皆何也。李師篇曰。庸詎知吾所謂天之非人乎。所謂人之非天乎。楚辭哀時命曰。庸詎知其吉凶。淮南齊俗篇曰。庸遽知世之所自窺我者乎。韓子難四曰。衛奚距然哉。秦策曰。君其試焉。奚遽叱也。史記張儀傳曰。且蘇君在。儀寧渠能乎。索隱曰。渠音詎。古字少。假借耳。或言豈遽。

或言何遽。或言奚遽。或言庸詎。或言甯渠。其義一而已矣。詎猶苟也。晉語曰。且唯聖人。能無外患。又無內憂。詎非聖人。必偏而後可。今本。詎作距。此從宋明道本。又曰。詎非聖人。不有外患。必有內憂。皆謂苟非聖人也。成十六年左傳。作自非聖人。意亦同也。

固 故 顧

固猶必也。桓五年左傳曰。蔡衛不枝。固將先奔。言必將先奔也。襄二十七年公羊傳。女能固納公乎。呂氏春秋任數篇。其說固不行。秦策。王固不能行也。何高注。竝曰。固必也。或作故。又作顧。秦策曰。吳不亾越。越故亾吳。大戴禮禮察篇曰。先王執此之正。堅如金石。行此之信。順如四時。處此之功。無私如天地。爾豈顧不用哉。史記張耳陳餘傳贊。張耳陳餘。始居約時。相然信以死。



豈顧問哉。豈顧豈必也。索隱曰：謂然諾相信，雖死不顧，非是。

固猶乃也。孟子萬章篇曰：仁人固如是乎？或作故。又作顧。趙策曰：雖強大不能得之於小弱，而小弱顧能得之於强大乎？呂氏春秋制樂篇曰：我必有罪，故天以此罰我也。今故與事動衆以增國城，是重吾罪也。下故字與同義。審已篇曰：臣以王爲已知之矣。王故尙未之知邪？齊策田單謂貂勃曰：單何以得罪於先生？故常見惡於朝，故與乃同義。故或以故乃連文。莊子徐無鬼篇曰：先生苦於山林之勞，故乃肯見於寡人。

故

趙爽注周髀算經曰：故者，申事之辭，常語也。

故，本然之詞也。襄九年左傳曰：然故不可誣也。或作固，又作顧。

禮記哀公問曰：固民是盡。鄭注曰：固猶故也。呂氏春秋必已篇曰：孟賁過於河，先其五，舩人怒，而以楫號其頭，顧不知其孟賁也。

故猶則也。墨子天志篇曰：當若子之不事父，弟之不事兄，臣之不事君也。故天下之君子與謂之不祥者。與卽舉字。莊子齊物論篇曰：有成與虧，故昭氏之鼓琴也，無成與虧，故昭氏之不鼓琴也。故字竝與則同義。東周策曰：君必施於今之窮士，不必且爲大人者，故能得欲矣。故能則能也。齊策曰：韓魏戰而勝秦，則兵半折，四境不守，戰而不勝，以亾隨其後，是故韓魏之所以重與秦戰而輕爲之臣也。是故是則也。易豫象傳曰：天地以順動，故日月不過，而四時不忒。聖人以順動，則刑罰清，而民服。昭二十年



左傳曰夫火烈民望而畏之故鮮死焉水懦弱民狎而翫之則多死焉管子版法解篇曰明主能勝六攻而立三器則國治不肖之君不能勝六攻而立三器故國不治故亦則也互文耳

顧

顧猶但也禮記祭統曰是故上有大澤則惠必及下顧上先下後耳燕策曰吾每念常痛於骨髓顧計不知所出耳史記越世家曰彼非不愛其弟顧有所不能忍者也

史記絳侯世家索隱引許慎淮南注曰顧反也秦策曰今三川周室天下之市朝也而王不爭焉顧爭於戎狄高注曰顧反也燕策曰子之南面行王事而噲老不聽政顧為臣顧與反同義故又以顧反連文齊策曰夫韓魏之兵未弊而我救之是我代

韓受魏之兵顧反聽命於韓也史記蕭相國世家曰蕭何未嘗有汗馬之勞顧反居臣等上是也

苟

苟誠也論語里仁篇苟志於仁矣是也常語也

苟且也論語子路篇苟合矣苟完矣苟美矣是也亦常語

苟猶但也易繫辭傳曰苟錡諸地而可矣藉之白茅何咎之有言但置諸地而已可矣而必藉之以白茅謹慎如此復何咎之

有乎桓五年左傳曰苟自救也社稷無隕多矣襄二十八年傳

曰小適大苟舍而已焉用壇苟字並與但同義

苟猶若也易繫辭傳曰苟非其道不虛行

苟猶尚也詩君子于役曰君子于役苟無飢渴言尚無飢渴也



襄十八年左傳。晉侯伐齊。將濟河。中行獻子禱曰。苟捷有功。無作神羞。言尚捷有功也。墨子耕柱篇曰。季孫紹與孟伯常治魯國之政。不能相信。而祝於鼗社曰。今本鼗譌作禁。辨見讀書雜誌。苟使我和。是猶弁其目而祝於鼗社曰。苟使我皆視。豈不繆哉。言尚使我和。尚使我視也。

皋

皋發語之長聲也。儀禮士喪禮曰。皋某復。鄭注曰。皋長聲也。

清高郵王引之著

日本江戶東條喆點乙

乃 迺

乃猶於是也。書堯典曰。乃命羲和。是也。常語也。字或作迺。俗作迺。迺雅曰。迺乃也。

乃猶然後也。書禹貢曰。作十有三載。乃同。是也。亦常語。乃猶而也。春秋宣八年十月己丑。葬我小君頃熊。雨不克葬。庚寅日中而克葬。定十五年九月丁巳。葬我君定公。雨不克葬。戊午日下昃。乃克葬。公羊傳曰。而者何。難也。乃者何。難也。說文乃曳。曷為詞之難也。或言而。或言乃。乃難乎而也。案乃與而對言之則異。禮記文王



世子曰。文王九十七。乃終。武王九十三。而終。是也。散言之。則通。  
互見而儀禮燕禮。大夫不拜。乃飲。鄭注曰。乃猶而也。大戴記夏  
字下小正篇。匱之興。五日翁。望乃伏。傳曰。而伏云者。不知其死也。故  
 謂之伏。而伏。即乃伏也。襄七年左傳曰。吾乃今而後。知有卜筮。  
 乃今而後。即而今而後也。  
 乃急詞也。大戴記夏小正篇。乃瓜。傳曰。乃者。急瓜之辭也。  
 乃猶則也。易繫辭傳曰。見乃謂之象。形乃謂之器。詩生民曰。鳥  
 乃去矣。隱三年左傳曰。將立州吁。乃定之矣。皆是也。乃與則同  
 義。故書般庚。我乃劓殄滅之。無遺育。哀十一年左傳。作則劓殄  
 無遺育。莊二十八年左傳。則可以威民而懼戎。晉語。則作乃。又  
 或以則乃連文。書立政曰。謀面用不訓德。則乃宅人。是也。

乃猶其也。書多士曰。爾乃尚有爾土。爾乃尚甯榦止。爾乃爾其  
 也。晉語伯宗問曰。乃將若何。乃將其將也。  
今本無乃字。乃後人  
據宋明道本補。書般庚。乃有不吉不迪。顛越不共。哀十一年左傳。作其  
 有顛越不共。乃與其同義。故或以乃其連文。互見其字下。  
 乃猶是也。成二年左傳。衛石稷謂孫良夫曰。子以眾退。我此乃  
 止。言我於此是止也。  
杜注。我于此  
止。禦齊師。晏子春秋外篇。公曰。吾聞之。  
 五子不滿隅。一子可滿朝。非迺子邪。迺子。是子也。莊子德充符  
 篇。子產蹙然改容。夏貌曰。子無乃稱。猶曰。子無稱是言也。  
 乃猶方也。裁也。莊十年穀梁傳曰。乃深其怨於齊。又退侵宋。以  
 眾其敵。謂方深其怨於齊也。大戴記保傅篇曰。太子乃生。固舉  
 之禮。賈子。乃作初。呂氏春秋義賞篇曰。天下勝者眾矣。而霸者



乃五。高注。乃猶裁也。義並同。

乃猶若也。書般庚曰。女萬民。乃不生。生暨子。一人猷同心。先后丕降與女罪疾。言汝萬民。若不生生也。洛誥曰。女乃是不覆。乃時惟丕永哉。言汝若是不勉也。孟子公孫丑篇曰。乃所願則學孔子也。莊子盜跖篇曰。小人殉財。君子殉名。其所以變其情易其性。則異矣。乃至於棄其所為。而殉其所不為。則一也。乃字。並與若同義。

乃猶且也。書大誥曰。若考作室。既底法。厥子乃弗肯堂。矧肯構。厥父菑。厥子乃弗肯播。矧肯穫。乃字。並與且同義。

乃猶甯也。襄三十年左傳。人謂子產就直助彊。子產曰。豈為我徒國之禍難。誰知所敝。或主彊直。難乃不生。姑成吾所。乃甯也。

言禍難未知所敝。雖或主彊直之人。甯不生難乎。唯兩無所主。姑成吾所而已也。杜注。言能彊能直。則可弭難。今三家未能。伯有方爭於語。意未合。甯乃一聲之轉。故乃訓為甯。甯亦訓為乃。互見甯字下。

乃。異之之詞也。書般庚曰。女不憂朕心之攸困。乃咸大不宣。乃心。詩山有扶蘇曰。不見子都。乃見狂且。是也。亦常語也。

乃。轉語詞也。書康誥曰。有厥罪小。乃不可不殺。是也。亦常語。乃如。亦轉語詞也。詩日月曰。乃如之人兮。蠹棘曰。乃如之人也。

乃若。亦轉語詞也。墨子兼愛篇曰。然而今天下之士君子曰。然。句。乃若兼則善矣。孟子離婁篇曰。乃若所憂。則有之。

乃若。發語詞也。墨子兼愛篇。子墨子言曰。乃若夫少食惡衣。殺身而為名。此天下百姓之所皆難也。孟子告子篇。孟子曰。乃若



其情則可以為善矣。

乃發聲也。禮記雜記曰：祝稱卜葬虞。夫曰乃。鄭注曰：乃某卜葬其妻某氏。正義曰：乃者言之助也。

甯

說文：甯，願詞也。徐鍇曰：今人言甯可如此，是願如此也。襄二十六年左傳：引夏書曰：與其殺不辜，甯失不經。是也。常語也。

甯猶何也。易繫辭傳曰：甯用終日，是也。亦常語。

甯猶豈也。成二年左傳曰：甯不亦淫從其欲，以怒叔父，是也。亦常語。

甯猶將也。莊子秋水篇曰：甯其死為畱骨而貴乎？甯其生而曳尾於塗中乎？呂氏春秋貴信篇曰：君甯死而又死乎？其甯生而

又生乎？趙策曰：人之情甯朝人乎？甯朝於人也。甯字並與將同義。楚辭卜居曰：吾甯悃悃款款，朴以忠乎？將送往勞來，斯無窮乎？甯亦將也。互文耳。

甯猶乃也。毛鄭詩考正曰：四月首章胡甯忍予。箋云：甯猶曾也。案甯猶乃也。語之轉。下甯莫我有同。雲漢首章甯莫我聽。甯亦乃也。篇內甯丁我躬。甯俾我遜。胡甯忍予。胡甯瘼我以旱。並同。家大人曰：乃甯曾其義一也。日月之甯不我顧。小弁之甯莫之知。四月之胡甯忍予。箋並曰：甯猶曾也。又正月之甯莫之懲。四月之甯莫我有。雲漢之甯莫我聽。甯丁我躬。甯俾我遜。箋內皆以曾代甯。曾亦乃也。論語先進篇：吾以子為異之問。曾由與求之問。是也。又雲漢之胡甯忍予。胡甯瘼我以旱。箋內皆以何曾



代胡甯何曾何乃也。孟子公孫丑篇。爾何曾比于於管仲。趙注曰。何曾猶何乃。是也。桑柔曰。倬彼昊天。甯不我矜。箋曰。昊天乃倬然明大。而不矜哀下民。是箋亦訓甯為乃也。又正月曰。燎之方揚。甯或滅之。赫赫宗周。褒姒滅之。言以燎火之盛。而乃有滅之者。亦如赫赫之宗周。而乃為褒姒所滅也。箋釋上二句曰。燎能滅息之者。失之。辯見經義述聞。下同。桑柔曰。民之貪亂。甯為荼毒。言民心貪樂禍亂。乃為苦毒之行也。箋訓甯為安。失之。瞻卬曰。心之憂矣。甯自今矣。不自我先。不自我後。言不自我先。不自我後。而乃自今也。正義曰。天下人心之憂愁。所由來久遠。甯從今日矣。失之。禮記內則曰。子婦有勤勞之事。雖甚愛之。姑縱之。而甯數休之。言姑縱使勤勞。而乃數數休息之也。正義曰。甯可數數休息。失之。昭二十二年左傳。寡君聞君有不令之臣。為君憂。

無甯以為宗羞。言無乃以為宗羞也。此無甯與他處言無甯者不同。杜注無甯甯也。失之。

賈子禮篇。不用命者。甯丁我網。史記殷本紀。作乃入吾網。此皆古人謂乃為甯之證。

甯語助也。昭元年左傳曰。是委君貶於草莽也。是寡大夫不得

列於諸卿也。不甯唯是。又使圍蒙其先君。不甯唯是。不唯是也。

甯語助耳。正義曰。不甯甯也。言甯有唯是之事。失之。

能

能猶而也。能與而古聲相近。說見唐韻正。故義亦相通。詩芄闌曰。雖

則佩觿。能不我知。能當讀為而。雖則之文。正與而字相應。言童

子雖則佩觿。而實不與我相知也。毛傳曰。不自謂無知。以驕慢

觿與其才能實不如我眾臣之所知。為也。皆未合語意。辨見經義述聞。下章雖則佩鞶。能不我甲。



義與此同。荀子解蔽篇為之無益於成也。求之無益於得也。憂戚之無益於幾也。則廣焉能弃之矣。趙策建信君入言於王。厚任葺以事。能重責之。能並與而同。管子任法篇。是貴能威之。富能祿之。賤能事之。近能親之。美能淫之也。下文五能字。皆作而又侈靡篇。不欲強能不服。智而不牧。能與而同。尹知章以能字絕句。不服二字屬下讀。非是。晏子春秋外篇。入則求君之嗜欲。能順之。君怨良臣。則具其往失而益之。墨子天志篇。少而示之。黑謂黑。多示之。黑謂白。少能嘗之。甘謂甘。多嘗之。甘謂苦。韓詩外傳。貴而下賤。則眾弗惡也。富能分貧。則窮士弗惡也。智而教愚。則童蒙者弗惡也。崔駰大理箴。或有忠能被害。或有孝而見殘。能亦而也。八音能猶乃也。亦聲相近也。家大人曰。昭十二年左傳曰。中美能黃。

奉陽魏策  
作葉陽補  
曰葉即奉  
之訛李允  
也說見趙  
策  
魏策必作  
密

上美為元。下美則裳。能為則三字。相對為文。能者乃也。言中美乃黃。上美為元。下美則裳也。孫子謀攻篇曰。故用兵之法。十則圍之。五則攻之。倍則分之。敵則能戰。少則能守。今本戰守下。並衍之字。辨見讀不若則能避之。言敵則乃戰。少則乃守。不若則乃避之也。書雜魏策曰。奉陽君約魏。魏王將封其子。謂魏王曰。王嘗身濟漳。朝邯鄲。抱葛薛陰成。以為趙養邑。而趙無為王有也。王能又封其子。河陽姑宓乎。臣為王不取也。言王乃又封其子乎。臣為王不取也。史記淮陰侯傳曰。今韓信兵號數萬。其實不過數千。能千里而襲我。亦以罷極。以與言韓信兵不過數千。乃千里而襲我也。太史公自序佞幸傳曰。非獨色愛。能亦各有所長。言非獨以色見愛。乃亦各有所長也。列女傳賢明傳曰。先生以不斜之故。



能至於此言以不斜之故。乃至於此也。能與乃同義。故二字可以互用。後漢書荀爽傳。鳥則雄者鳴鳴。雌能順服。獸則牡為唱導。牝乃相從。是也。能與乃同義。故又可以通用。淮南人間篇。此何遠不能為福乎。藝文類聚禮部下引。能作乃。漢書匈奴傳。東接海代。南取江淮。然後乃備。漢紀。乃作能。是也。乃與而聲相近。故能訓為而。又訓為乃。能與甯。一聲之轉。而同訓為乃。故詩甯或滅之。漢書谷永傳。作能或滅之。宋祁曰。姚本能作甯。案此依毛詩改耳。各本多作甯。今據

宋景祐本及王氏詩攷所引訂正。

徒

呂氏春秋異用離俗二篇注。竝曰。徒。但也。常語也。徒猶乃也。莊子天地篇曰。吾聞之夫子。事求可。功求成。用力少。

見功多者。聖人之道。今徒不然。言今乃不然也。荀子子道篇。子路謂子貢曰。吾以夫子為無所不知。夫子徒有所不知。又曰。子貢謂子路曰。女謂夫子為有所不知乎。夫子徒無所不知。

獨

獨猶甯也。豈也。禮記樂記曰。且女獨未聞牧野之語乎。襄二十六年左傳曰。夫獨無族姻乎。

獨猶將也。宣四年左傳曰。棄君之命。獨誰受之。楚語曰。其獨何力以待之。孟子滕文公篇曰。一薛居州獨如宋王何。

獨猶孰也。何也。呂氏春秋必已篇曰。孔子行於東野。今本作孔子行於東野。今本作孔子行於東野。

息乃後人所改。辨見讀書雜誌。馬逸食人之稼。野人取其馬。子貢請往說之。畢

辭。野人不聽。有鄙人始事孔子者。請往說之。因謂野人曰。子耕



東海。至於西海。吾馬何得不食子之禾。其野人大說。相謂曰。說亦皆如此。其辯也。與郭同。獨如嚮之人。解馬而與之。高注曰。獨猶孰也。

柰

柰如也。晉語曰。柰吾君何。

柰何。如何也。書召誥曰。曷其柰何弗敬。

柰何。或但謂之柰。淮南兵略篇曰。唯無形者。無可柰也。

揚雄廷尉箴曰。惟虐惟殺。人莫予柰。柰。卽柰何也。

那

那者。柰之轉也。魏志毋邱儉傳注。載文欽與郭淮書曰。所向全勝。要那後無繼何。言柰後無繼何也。故廣雅曰。柰。那也。

那者。柰何之合聲也。宣二年左傳曰。棄甲則那。杜注。那。猶何也。

日知錄曰。直言之曰那。長言之曰柰何。一也。

爾雅曰。那。於也。於。讀如字。郭讀爲於。乎之於。又云。那。猶越語曰。今人言那那也。皆非。辨見經義述聞。越語曰。

吳人之那。不穀亦又甚焉。韋注。用爾雅。

都

爾雅曰。都。於也。於。讀如字。孟子萬章篇曰。謨蓋都君。咸我績。趙注。用

爾雅。史記司馬相如傳曰。揆厥所元。終都攸卒。集解引漢書音

義。與趙注同。都諸聲相近。故諸訓爲於。都亦訓爲於。而孟諸字。

又作明都也。

都。歎詞也。書堯典。騶兜曰。都。某氏傳曰。都。於。音鳥。嘆美之辭。故皋

陶謨。皋陶曰。都。史記夏本紀。都作於。



當

當猶將也。儀禮特牲饋食禮記。佐食當事。則戶外南面。鄭注曰。當事。將有事而未至。孟子離婁篇曰。言人之不善。當如後患何。韓子外儲說右篇。太公望曰。且先王之所以使其臣民者。非爵祿。則刑罰也。今四者不足以使之則望。當誰為君子。史記魏公子傳曰。公子當何面目立天下乎。又雷侯世家曰。橫絕四海。當可奈何。當字並與將同義。

當猶則也。墨子辭過篇曰。君實欲天下之治。而惡其亂也。當為宮室。不可不節。又曰。君實欲天下之治。而惡其亂。當為衣服。不可不節。又曰。君實欲天下之治。而惡其亂。當為食飲。不可不節。當字並與則同義。

當猶如也。墨子明鬼篇曰。燕之有祖。當齊之有社稷。宋之有桑林。楚之有雲夢也。僖三十三年左傳。鄭之有原圃。猶秦之有其囿也。

儻 黨 當 尚

儻。或然之詞也。字或作黨。或作當。或作尚。莊子繕性篇曰。物之儻來。寄也。釋文。儻。崔本作黨。荀子天論篇曰。夫日月之有蝕。風雨之不時。怪星之黨見。黨見。或見也。楊注。訓黨為類。九經古義。訓為所。皆非。辨見讀書雜誌。史記淮陰侯傳曰。恐其黨不就。漢書伍被傳曰。黨可以徼幸。墨子法儀篇曰。然則奚以為治法而可。當皆法其父母。奚若。又曰。黨皆法其君。奚若。兼愛篇曰。當使若二十士者。言行之合。猶合符節也。無言而不行也。若此也。言儻使此二十士之言。行相合。則無言而不行也。非樂篇曰。然則當為之撞巨鍾。擊鳴鼓。彈琴瑟。吹竽笙。而揚于戚。民衣食之財。將



安可得乎安猶於是也說見安字下又尚賢篇曰尚欲祖述堯舜禹湯之道

將不可以不尚賢黨當尚竝與儻同

始

始者近也周語鄭語注及呂氏春秋高義士容二篇注竝同幾也禮記檀弓注將然之詞也

書顧命曰始弗與弗寤

誕

誕發語詞也書大誥曰殷小腆誕敢紀其敘又曰誕鄰胥伐于厥室君奭曰誕無我責多方曰須暇之子孫誕作民主詩皇矣曰誕先登于岸生民曰誕彌厥月誕寘之隘巷誕實匍匐誕后稷之穉誕降嘉種誕我祀如何諸誕字皆發語詞說者用爾雅誕大也之訓則詰籀為病矣

誕句中助詞也書大誥曰肆朕誕以爾東征是也說者訓為大亦失之

迪

迪詞之用也書牧誓番棄厥遺王父母弟不迪史記周本紀不迪作不用迪為不用之用又為語詞之用義相因也

書皋陶謨曰咸建五長各迪有功言各用有功也大誥曰亦

惟十人迪知上帝命言惟此十人用知上帝命也王肅曰民十夫用知天命

康誥曰今惟民不靜未戾厥心迪屢未同多方曰爾乃迪屢不

靜亦謂用屢未同用屢不靜也酒誥曰在簪殷先哲王迪畏天

顯小民言用畏天顯小民也無逸曰自殷王中宗及高宗及祖

甲及我周文王茲四人迪哲言惟茲四人用哲也君奭曰茲迪

彝教文王蔑德言惟此五人用常教文王以精微之德也又曰



亦惟純右秉德。迪知天威。乃惟時昭文王。迪見冒。亦謂用知天威。用見勉也。冒。馬本作勗。云勉也。說見經義述聞。康誥。又曰。武王維茲四人。尚迪有祿。言惟茲四人。尚用有祿也。立政曰。迪知忱恂于九德之行。亦謂用知誠信于九德之行也。迪知上帝命。迪知天威。迪知忱恂于九德之行。文義正相近也。史記夏本紀。各迪有功。作各道有功。某氏傳於諸迪字。或訓為道。或訓為蹈。皆於文義未協。迪發語詞也。書盤庚曰。迪高后丕乃崇降弗祥。言高后丕乃崇降不祥也。上文曰高后丕。乃崇降罪疾。迪語詞耳。君奭曰。迪惟前人允施于我。冲子立政曰。古之人迪惟有夏。兩迪字。亦是語詞。王肅注。及某氏傳。或訓為道。或訓為蹈。亦於文義未協。迪句中語助也。酒誥曰。又惟殷之迪。諸臣惟工。是也。某氏訓為

蹈亦失之。

直

直猶特也。呂氏春秋。忠廉分職二。但也。淮南精神篇注。禮記祭義曰。參直養者也。安能為孝乎。文十一年穀梁傳曰。不言帥師而言敗何也。直敗一人之辭也。孟子梁惠王篇曰。直不百步耳。是亦走也。莊子德充符篇曰。某也直後而未往耳。荀子榮辱篇曰。是其為相縣也。幾直夫芻豢之縣。糟糠爾哉。幾與豈同。齊策曰。行非有怨於儀。直所以為國者不同耳。直特古同聲。故詩柏舟。實維我特。韓詩特作直。史記叔孫通傳。吾直戲耳。漢書直作特。直猶特也。專也。晏子雜篇曰。齊命使。各有所主。其賢者使之賢主。不肖者使之不肖主。嬰最不肖。故直使楚矣。直使楚。特使楚。



也。韓詩外傳曰：臣里母相善，婦見疑盜肉，其姑去之，恨而告于里母。里母曰：安行。今令姑呼女，即束蘊請火去婦之家。曰：吾犬爭肉相殺，請火治之。姑乃直使人追去婦還之。言特使人追還去婦也。史記留侯世家曰：良嘗閒從容步游下邳汜上。今本史記作汜，皆後人所改。有一老父，衣褐至良所，直墮其履，汜下顧。劉放、宋祁、已辨之。有一老父，衣褐至良所，直墮其履，汜下顧，謂良曰：孺子下取履，言特墮其履於橋下，使良取之也。史記漢書注解直字皆誤，詳見讀書雜誌。梁孝王世家曰：平王襄，直使人開府取罍樽，賜任王后。言特使人取罍樽賜之也。以上四直字，亦訓為特，而與前異義。

疇 曷 曷

爾雅曰：疇，誰也。書堯典：帝曰：疇咨若時登庸。史記五帝紀作誰。

可順此事字本作曷，又作曷。說文：曷，誰也。今本作曷，非。據廣韻引改。又曰：曷，詞也。虞書曰：帝曰：曷咨。

疇，發聲也。禮記檀弓曰：子疇咎之夜。鄭注：疇，發聲也。咎，猶前也。宣二年左傳曰：疇咎之羊。子為政，疇誰一聲之轉。故疇咎之轉，為誰咎。互見誰字下。



為新晉夏見諸字不  
宣二平式勝曰細谷之羊子為始轉語一經之轉為轉谷之轉  
細谷勝也細言勝戶曰于轉谷之文漢王轉谷勝也谷勝而也  
細也細言曰帝曰勝谷

經典釋詞卷六 終

馬人言禮記文選語少



